

Յու. ՎԱՐԴԱՆՅԱՆ

ԳԵՂՐԳ. ԽՈՒԲՐՈՎԻ ՆՈՐԱՀԱՅՅ ԵՐԿՐ ԻԲՐԵՎ XVIII—XIX ԴԱՅԵՐԻ
ՀԱՅԱՍՏԱՆԻ ԵՎ ՀԱՅ-ՌՈՒՍԱԿԱՆ ՀԱՐԱԲԵՐՈՒԹՅՈՒՆԵՐԻ
ՊԱՏՄՈՒԹՅԱՆ ՍԿԶԲՆԱԴԲՅՈՒԹ

XVIII—XIX դարերի հայ հասարակական-քաղաքական ու մշակութային գործիչ Գեղրդ Մելքիսեդեկյան Խուրով-Խաղբակյան-Պոպջյան-Արշակունի Երևանցին (սա նրա ինքնանվանումն է), որ Հայաստանը Ռուսաստանի օգնությամբ թուրք-պարսկական լծից ազատագրելու գաղափարի ու գործի ամենահռուանդուն մարտիկներից մեկն էր, իր անձով և գործով հայագիտության ուշադրությունը գրավել է դեռևս անցյալ դարի 60-ական թվականներին¹:

Ծնվել է 1764 թ.² Երևանում, 1771—1780 թթ. իր հորեղբայր Սիմեոն Երեւանցի կաթողիկոսի (1763—1780) հակողության տակ սովորել է էջմիածնում։ Հորեղբոր մահից հետո երկու տարի ևս մնացել է այնտեղ, ապա՝ դուրս եկել, մասնակցել Երևանի հայ հասարակության բանակցություններին նախ Վրաստանի, ապա՝ Ռուսաստանի պետական գործիչների հետ։ Ավելի ուշ դարձել է Երևանի Մահմադ խանի խորհրդատուն և միջնորդը՝ Ատրպատականում գտնվող ռուսական զորքի հրամանատար Կորսակովի հետ ունեցած բանակցություններում։

1803 թ. գեներալ Ցիցիանովի զորքերի կողմից Երևանը պաշարելու նախօրյակին պարսիկները Խուրովին կասկածում են լրտեսության մեջ, իսկ երբ Ցիցիանովի հարձակման ժամանակ հայ բնակչությունը մեծապես օգնում էր ռուսական բանակին, Խուրովն էլ իր հերթին անձամբ մասնակցում է այդ բանակի պարենավորմանը։ Պարսիկները, ձգտելով ամեն կերպ վնասել «դա-

1 Տե՛ս «Արարատ», 1868, էջ 115, ուր տպագրված է Խուրովի «Երգարան երգեցիկ մանականց և յորդորակ սիրահար դեռավարժից» ժողովածուի (Մաշտոցի անվան Մատենադարանի ձեռագիր № 491) № իէ երգը՝ «Ուզր Գէորգեայ իշխանի Խուրով Մելքիսեդեկյան ի վրդավմանն Հայաստանի ողբարով ոգեալ»։ Նույն տեղում «Արարատ» խոստանում է ապագայում տպագրել «Երգարանից» այլ տաղեր ևս և՝ Տեղինակի «Զեկուցումը», բայց խոստումը մենացել է, անկատար։ Այդ երգը տպագրվել է նաև «Դաւիթ-Բէգ, Ընտիր պատմութիւն Դաւիթ-Բէգին և պատերազմաց Հայոցն Խափանու», Վաղարշապատ, 1871, էջ 87—88։

2 Մննդյան և մահվան թվականները Խուրովի ինքնակննագրության և Սառայությունների ցուցակի տվյալների համաձայն ճշգրտել է բանասիրական գիտությունների դոկտոր Պ. Հակոբյանը («Արևելյան Հայաստանի Ռուսաստանին միանալու արձագանքները հայ գրականության մեջ», Երևան, 1978, էջ 208), իսկ կենսագրական մլուս տեղեկություններն առաջին անգամ շարադրված են և Սելիքսեթ-Բեկի կողմից։ «Գեղրդ Մելքիսեդեկյան Խուրով» (նյութեր և նամերա), Տեղեկագիր ՀՍՍՀ ԳԱ, 1950, №№ 1—2, էջ 55—84 (այսուհետեւ՝ Լ. Մելիքսեթ-Բեկ, Գեղրդ Խուրով) և «Գեղրդ Մելքիսեդեկյան Խուրովը (1762—1829)» և նրա «Դաւազանագրքի» ակրոստիքուներուղյանը, «Բանբեր Հայաստանի արխիվների», 1963, № 2, էջ 101—110։

վանան» հայերին, ի թիվս այլ բարբարոսությունների, այրում ևն նաև Խուրովի այգիներն ու զույքը: Նա ստիպված է լինում ոչ այնքան դյուրին եղանակով, ընտանիքը տեղափոխել Թիֆլիս: 1805 թ. գեկտեմբերին ուղևորվում է «օրհնյալ Ռուսաստան» և հաստատվում Մողդոկում: 1810 թ. Մողդոկից զբնում է Պետերբուրգ, 1811 թ. այստեղ ավարտում «1778—1809 թթ. Հայաստանի արժանահիշատակ անցքերի նկարագրությունը», թարգմանել տալիս Հովսեփի Հովհաննիսյանին և ուսուերեն լեզվով տպագրում նրա իսկ տպարանում³:

1814 թ. Պետերբուրգում ավարտել է 9 տարի առաջ սկսած⁴ «Գաւաղանագիրը Հայոց աղջի» աշխատությունը և նույն շրջանում ձգտել հասնել ուսուական պետական մարմինների կողմից իր իշխանական տիտղոսի ճանաշմանը (այս նուսատակն իրականացել է 1816 թ. հոկտեմբերի 30-ին), 1814 թ. զնացել է Ղզլար, դարձել տեղի հայկական գավառական դպրոցի ուսուցիչ, 1827 կամ 1828 թթ.⁵ Հրավիրվել է Աստրախան և, Սերովի Պատկանյանից հետո, ստանձնել Աղարարյան վարժարանի տեսչությունը: 1830 թ. հետո նրա մասին տեղեկությունները պակասում են:

Ռուսաներ և Ռուսական կայսրության շնորհիվ Հայաստանը թուրքարական լծից աղատագրված տեսնել փափագող այս հետաքրքիր գործի անձի և գրական ժառանգության մասին հայագիտության մեջ եղած առաջին խոսքի հնդինակը Գյուտ Աղանյանցն է: «Դիւան Հայոց պատմութեան» շարքի մի քանի գրքերում նա մեծապես օգտագործել է Խուրովի երկասիրությունները: Սիմեոն Երևանցու կենսագրությունը շարադրելիս անդրադարձել է նրա ուսուերեն գրքին, հիշատակել է շմիածնի մատենադարանում պահպող նրա «Երդարան երգեցիկ մանկանց և յորդորակ սիրահար դեռավարժից» ժողովածուն և քննել Խուրովի կազմած սեփական տոհմագրական աղյուսակը, բայց որի նա իրեն համարում է Պոռշյան իշխանական տան շառավիղը⁶: Նույն հատորի գրականության ցանկում, Խուրովի ուսուերեն գործից բացի, Աղանյանցը հիշատակել է նաև անհնդինակ մի աշխատության անուն, «Պատմութիւն ծամանակագրական զկաթուղիկոսաց ցվերջին աւուրս Եփրեմայ, սկսեալ ի Ղազարէ վերջոյ (գրչագիր Մատենադարանի Սրբոյ էշմիածնի)⁷, Այս ձեռագրին ավելի հանգամանութեն կանդրադառնանը ստորև:

³ Описание достопамятных происшествий в Армении, случившихся в последние тридцать лет, т. е. от патриаршества Симеона (1778 г.) до 1809 года. Сочинение князя Егора Хубова. С армянского перевел Армянской церкви архидиакон Иосиф Иоаннесов. Печатано на основании Высочайшего повеления в Санкт-Петербурге, 1811 г.

⁴ՏԵ՛ս Մաշտոցի անվան Մատենադարանի դիվան, Լազարյանների թողոն, թղթապահներ 104, գործ 7, վագ. 51 և 132:

⁵Հ. Մելիքսեմ-Բեկի ուսումնասիրած փաստաթղթերի համաձայն Խուրովը Աստրախան է դնացել 1827 թվականին, իսկ 1829 թ. հուլիսի 14-ին Լազարյաններին դրած նամակներում Խուրովը հայտնում է, որ «յանցեալ ամս» է Հրավիրվել Աստրախան (տե՛ս Լազարյանների թողոն, թղթ. 104, գործ 7, վագ. 51 և 132):

⁶ՏԵ՛ս Գյուտ Հայոց պատմութեան, դիրք Գ. Սիմեոն կաթողիկոսի Յիշատակարանը, կենսագրութեամբ և յաւելուածներով ու ծանօթութիւններով հրատարակեց Գյուտ քահանայ Աղանյանց, Բիբիիս, 1894, էջ Էջ—ԿԱ (այսուհետեւ՝ Գյուտ):

⁷Գյուտն, Գ, էջ ԷԲ, Սիմեոն Երևանցի կաթողիկոսի կենսագրության շարադրանքի ընթացքանը Աղանյանցն աղատորեն բաղումներ է արել այս ձեռագրից, բայց միայն երկու դնարում է մատնացուց արել իր աղբյուրը: ՏԵ՛ս Գյուտն, Գ, էջ ԿԵ և ՃԻԶ:

1945 թ. լ. Մելիքսեթ-Բեկը վրաստանի կենտրոնական պատմական արխիվի համար ձեռք է բերել Խուրովի «Գաւաղանագրքի» մի օրինակ⁸: Այդ առիթով վինտրել և նույն արխիվում գտել է նրան վերաբերող 6 փաստաթուղթ-գրանց և «Գաւաղանագրքի» ու ոռւսերեն գրքովելի տվյալներն ի մի գումարելով, նա առաջին անգամ հյուսել է Խուրովի կենսագրությունը, բնութագրել նրա պատմագիտական և բանաստեղծական ժառանգությունը⁹:

1963 թ. լ. Մելիքսեթ-Բեկը հրատարակել է «Գաւաղանագրքի» այդ օրինակում եղած 76 երկտող (կամ 38 քառատող) ունեցող մի ձո՞ն, որի սկզբնատառերը հոդում են. «Աշխատասիրեալ ի հայկազուն Գէորգ Մելիքսեղեկեան Խուրով Խաղբակեան յիշխանակազն Արշակեանա է»: Նույն առիթն օդտագործելով հրապարակել է Եփրեմ կաթողիկոսի կնիքով ու 12 հոգեոր և աշխարհիկ անձանց ստորագրությամբ՝ վավերացված՝ Խուրովի իշխանական կոչումը հաստատող մի փաստաթուղթ: Այս հրապարակումներին, որպես առաջարան, լ. Մելիքսեթ-Բեկը կցել է 1950 թ. իր հյուսած Խուրովի կենսագրության մեկ էջանոց համառոտումը¹⁰:

Տեղին է նկատել, որ Մաշտոցյան Մատենադարանի № 3755 գրչագրում (գրված 1829 թ. Աստրախանում), որտեղ Գավաղանագրքի բնագիրն ունի ոռւսերեն զուգահեռ թարգմանություն, հիշյալ ձո՞նը շարունակված է և հասցըված 108 երկտողի (կամ 54 քառատողի): Մայրակասին այստեղ շարունակվում է հետեւյալ բառերով. «...որ և մեծազննին յիշատակարան է բանս այս»¹¹: № 3755 ձեռագիրը պետք է համարել հեղինակի վերջնական խմբագրման և նթարկած օրինակը, քանի որ Խուրովն այն ուղարկել է Լաղարյան-ներին՝ տպագրել տալու խնդրանքով: լ. Մելիքսեթ-Բեկն այս ձեռագրին ծանոթ շի եղել, որովհետև մինչև 1950-ական թվականները այն դեռևս գտնվել է Մատենադարանի արխիվային բաժնում և որպես առանձին ձեռագիր գրանցված շի եղել:

Խուրովին անդրադարձած հաջորդ բանասերը Հարություն Քյուրտյանն է: 1954 թ. կոնգոնում «Անգլիայի և Իռլանդիայի արքունի Ասիական ընկերության» կենտրոնատեղիի գրադարանում նրան ցույց են տվել «ուսկեղորուագկարմիր կաշեկողքով հատոր մըն, որուն կոնակը երկաթագիր դրոշմուած էր. «Գաւաղանագիրք թագաւորացն Հայոց ի քնեազ Խուրովէ»: Քյուրտյանը ծանոթ շի եղել Մելիքսեթ-Բեկի հոգվածին, բնականարար՝ նաև Մաշտոցի անվան Մատենադարանի № 3755 գրչագրին, ուստի իր տեսած օրինակը համարել է միակը: Նա տպագրել է «Գաւաղանագրքի» մյուս օրինակներում բացակայող և միայն այստեղ պահպանված «Առ նորուն արքայական բարձութիւն աղէրս» խորագրով 18 երկտողանոց մի ձո՞ն, որի սկզբնատառերը, երկու իրարից առանձին շարքերով, ծայրակապի կարգով հոդում են. «Առ Գիորդ սիեղերակալդ», իսկ վերջնատառերը, նույն կարգով՝ «Է Գէորգ իշխանէ է»:

8 Ձեռագրի նկարագրությունը տե՛ս լ. Մելիքսեթ-Բեկ, Ցուցակ հայերեն ձեռագրաց Վրաստանի կենտրոնական պատմական արխիվի, «Բաները Մատենադարանի», № 4, Երևան, 1958, էջ 414—415, ձեռ. № 49 (=705), այժմ՝ ՄՄ, № 10359:

9 լ. Մելիքսեթ-Բեկ, Գեորգ Խուրով, էջ 55—84:

10 լ. Մելիքսեթ-Բեկ, Գեորգ Մելիքսեղեկյան Խուրովը (1762—1829) և նրա «Գաւաղանագրքի» ակրոստիքոս-ներբողյանը, ԲՀԱ, 1963, № 2, էջ 101—110:

11 Մաշտոցի անվան Մատենադարան, ձեռ. № 3755, էջ 12թ—119թ:

խնդիր»: Հ. Քյուրույանը կարծում է, որ Խուրովն այս գործը նվիրել է Վրաց վերջին թագավոր, Հերակլի որդի Գեորգիին, որը գահ բարձրացավ 1798 թ.¹²:

Ուշագրավ է այս ձեռագրի վրա եղած անդիրեն մակագրությունը:
"Presented to the Oriental Translation Com. by the Author Prince Hubboff" — Նորիքալ Արևելեան թարգմանութեանց ընկերութեան՝ հեղինակէն. իշխան Խուրով»: Ի դեպ, Խուրովը 1829 թ. հոկտեմբերի 7-ին, Ալեքսանդր Հումբոլդտի միջոցով, իր հորեղբայր Սիմեոն Երևանցուց նվեր ստացած երեք ձեռագիր (1462, 1620 և 1698 թվականներին գրված ժողովածուներ) Աստրախանում նվիրել է Բելինի արքայական գրադարանին¹³:

Վերջերս լույս տեսավ Պ. Հակոբյանի կազմած «Արևելյան Հայաստանի Ռուսաստանին միանալու արձագանքները Հայ գրականության մեջ» ժողովածուն, որտեղ Խուրովի «Երգարան մանկանց» ժողովածուից տպագրվել են «Վասն սրախողինող առմանն Գանձակու» և «Վասն Հանդիսավեհութեան քաշայաղթ մեծ զօրապետ Ալէքսէյ Պետրովիչ Երմօլովին ներբողեալ» երգերը¹⁴, Հակոբյանը ձեռքի տակ ունեցել է Խուրովի «Ինքնակենսագրությունն» ու «Մառայացուցակը» (որոնց պահպանման վայրը, սակայն, չի հայտնել), և այդ փաստաթղթերի շնորհիվ ճշգրտել է մեր հեղինակի ծննդյան և մահվան թվականները՝ 1764—1830 թթ. (Լ. Մելիքսեթ-Բեկի 1762—1829 թթ. փոխարեն)¹⁴ա: Մելիքսեթ-Բեկին հայտնի «Երգարանից», «Գաւաղանագրից» և ուսերեն գրքույկից բացի, Պ. Հակոբյանը նկատել է, որ Աղանյանցի «Դիւանի» որոշ հատորներում հզումներ և քաղումներ կան նաև Խուրովի մի այլ գործից. «Պատմութիւն Ժամանակագրութեան կաթուղիկոսաց ցվերջին աւուրս Եփրեմայ կաթուղիկոսի» և կարծում է, որ սա ոսւսերեն գրքույկի «մշակված ու ընդարձակված տարբերակն է թերեւ, և որի ձեռագիրը մինչև հեղափոխությունը պատկանելիս (թե՝ պահպելիս) է եղել Գյուտ Աղանյանցի մատենադարանում: Որտեղ է պահվում ներկայումս, չենք պարզելու»¹⁵:

«Դիւանի» Ա.—Բ հատորները պատրաստելիս Գ. Աղանյանցը ձեռքի տակ շի ունեցել Խուրովի վերոհիշյալ երկը, ընայած այն մեծապես օգտակար կարող էր լինել իր աշխատության համար: Երկրորդ գրքի («Սիմէոն կաթուղիկոսի Յիշատակարանը») գրականության ցանկում նշանակված է. «Պատմութիւն Ժամանակագրական զկաթուղիկոսաց ցվերջին աւուրս Եփրեմայ, սկսեալ ի Ղազարէ վերջնոյ», իսկ կողքը, փակաղծերում տեղեկություն է տրված, որ դա էջմիածնի մատենադարանում պահվող գրչագիր է¹⁶: Զնայած Հատորի առաջարանում այս ձեռագրից քաղումներն ու նրա օգտագործում-

12 Յ. Քիւրեան, նորագիւտ նիստեր Պաօշեանց կամ Խաղակեանց մասին, «Բազմավելու», 1956, էջ 101—106:

13 Տե՛ս Նիկոլոս Չարամեանց, Ցուցակ Պելինի արքայական մատենադարանի հայ ձեռագրաց, «Բազմավելու», 1886, էջ 185: Նաև՝ Verzeichniss der Armenischen Handschriften der Königlichen Bibliothec zu Berlin, von dr. N. Karamianz, zehnter Band, Berlin, 1888, էջ 15—16, 55—56, 81, 85:

14 Արևելյան Հայաստանի Ռուսաստանին միանալու արձագանքները Հայ գրականության մեջ, ընագրերի պատրաստումը, ներածությունը և ժանոթագրությունները՝ Պ. Հ. Հակոբյանի, Երևան, 1978, էջ 8—10 (այսուհետեւ՝ Պ. Հակոբյան):

15 Ա. Մեզ անհայտ աղբյուրի հիման վրա Հ. Խաչատրյանը Խուրովի կյանքի տևողությունը նշանակել է «1762—1833-ից հետո», ավելացնելով նաև, թե 1833 թ. նա վերադառնել է Ղզլար. ունչ «Հայկական սովետական հանրագիտարան», հ. 5, Երևան, 1979, էջ 97:

16 Դիւան, Գ. էջ 1թ:

17 Դիւան, Գ. էջ 1թ:

ները բազմաթիվ են, բայց տողատակերում գործը հիշատակված է ընդամենը երկու անգամ¹⁷:

Իսկ նույն «Դիւանի» Դ հատորում («Ղուկաս կաթուղիկոս»), երբ Աղանցն արդեն պարզած է եղել այդ երկի հեղինակի անունը, վերնագրել է Հետիալ կերպ. «Խուրեանց, Պատմութիւն կաթուղիկոսաց, Գրշագիր մատենադարանի Սրբոյ էջմիածնի»¹⁸:

Գեորգ Խուրովի այս գործը պարունակող ձեռագրին¹⁹ մենք ուշադրություն դարձրինք բոլորովին պատահաբար՝ Մաշտոցի անվան Մատենադարանի ձեռագրացուցակի ցանկերում եղած մի վրիակի շնորհիվ. Առաջին հանգամանքը, որի միջոցով հայտնի դարձավ անվերնագիր այդ երկի հեղինակի ինքնությունը, ձեռագրի 1ր—84ա էջերի ստորին լուսանցներում, դրադաշտից դուրս գրանցած 162 երկուող (կամ 81 քառատող) ունեցող երկարաշունչ ներբողն էր, որը, ինչպես «Գաւազանագրքի» համանման ներբողը, հաշուութ ներկայացնում է ողջ հատորում պատմված դեպքերն ու դեմքերը. Այս ներբողն էլ, որ հեղինակի շափածո գործերի շարքում ամենածավալունն է, մյուս բոլոր երգերի ու տաղերի նման, ծայրակապ ունի. «Ի Գէորգ Մելքիսեդէկեան Խուրով Խաղբակեան հայկաղն իշխանէ լալով սգալով ժողովիալ անպատեհ սրբազնագ»: Հետագայում, շարադրանքի ընթացքում, հեղինակը կամա թե ակամա, բազմիցս հայտնում է իր ով լինելը: Բայց քանի որ Խուրովը բավական խրթին և անընթեռնելի ձեռագիր ունենալով հանդերձ, սիրել է նաև շափաղանց շատ և յուրօրինակ համառոտագրություններ գործածել, ուստի քարտագրման և ցուցակագրման ժամանակ շի պարզվել զործիս հեղինակը:

Մայր քարտը ձեռագրիր ընութագրում է իրու «Հակաճառութիւն ընդգէմ կաթողիկոսութեան Հայոց էջմիածնայ»: Քննադատութիւն գործոց աթոռակալ կաթողիկոսաց. Ղաղարու, Դաւթի-Դանիէլի և Եփրեմի: Մանրամասն նկարագիր էջմիածնայ կաթողիկոսաց և մատնութեանն և յափշտակութեանն նոցին: Կայ և մանրամասնութիւն ի մասին արտաքին յարաբերութեանց յիշեալ կաթողիկոսաց: Գրեալ անյայտ նեղինակէ»²⁰: Իսկ ձեռագրացուցակը Խուրովի երկասիրությունը վերնագրել է «Յաղագս վարուց և դործոց կաթողիկոսաց էջմիածնայ (1737—1857 թթ.)» ձեռվ²¹: Քանի որ Խուրովի աշխատության վերջին մասում բավական լուսաբանված է ներսիս Աշտարակեցի կաթողիկոսության շրջանի բուռն գործունեությունը, ուստի թվացել է կոսի վարդապետության շրջանի բուռն գործունեությունը, ուստի թվացել որ դա նրա կաթողիկոսության ժամանակվա իրադարձությունների նկարագրությունն է: Ուղղելով ձեռագրացուցակի այս թյուրիմացությունը կամ վրացությունը է: Ուղղելով ձեռագրացուցակի այս թյուրիմացությունը կամ վրացությունը, կարելի է նրա առաջարկած վերնագրիր ընդունել անվերապահութագակածությունը:

17 Նույն տեղում, էջ 46, ձիթ:

18 Դիւան, Դ, թիֆլիս, 1899, էջ 9; Նույն անվանումը կրկնում է նաև առաջարանի երես այլ մասում. կաթողիկոս ընտրվելու կարգի մասին (էջ 17—19): Ղուկաս Կարնեցու խոհեմության մասին գրելիս (էջ 47) և 1795 թ. էջմիածնի 6 ամյ կայքը Թիֆլիս տարած և սայլերու Աղա-Մահմադ խանի զինվորներին գերի ընկած Մարտիրոս Անկոթ եպիսկոպոսի փրկագնման վերաբերդ հատվածում (էջ 8): Մի խոսքով, Խուրովի երկի հիշատակման բոլոր դեպքերու Աղանյանցը շեշտում է, որ այն էջմիածնի մատենադարանի գրշագրերից մեկն է:

19 Մաշտոցի անվան Մատենադարան, ձեռ. № 2766:

20 Մաշտոցի անվան Մատենադարան, № 2766 ձեռագրի քարտը:

21 Ցուցակ ձեռագրաց Մաշտոցի անվան Մատենադարանի, հատոր Ա, երեսն, 1965, էջ 37:

թեն, որովհետեւ այն ավելի ճիշտ է արտահայտում գործի բովանդակությունը. քանի քարտի երկարաշունչ բացատրությունը կամ Պ. Աղանյանցի «Պատմութիւն կաթուղիկոսացը»:

Չեռագիրն ունի $22,3 \times 18$ մետրովյան կատույտ թղթի 192 թերթ, կազմը ստվարաթուղթ է, միասյուն դրադաշտով և հեղինակի ինքնագիր շղաղրով (ի միջի այլոց, Խուրովի մեղ հասած բոլոր ձեռագրերը ինքնագիր են): Ամենայն հավանականությամբ, գրվել է 1827—1830 թթ., Աստրախանում:

Հեղինակն իր աշխատությունը բաժանել է 131 գլխի, կամ, ինչպես ինքն է վերնագրել, պրակի: Մավարի 13 տոկոսը, իր իսկ խոստովանությամբ, դրել է այլ աղբյուրներից քաղելով (հիմնականում Մ. Զամշյանից) կամ ծերերից լսելով, իսկ իր հորեղբայր Սիմեոն Երեանցու շինարարական գործունեության նկարագրությունից սկսած, գործը դառնում է ականատեսի շարադրանք²²: Այս հանդամանքը, անկասկած, մեծացնում է Խուրովի պատմակատական երրորդ գործի արժեքը: Բոլորովին այլ աշխատություն է, տարբեր՝ ուսւերեն գրքույկից, որը սրա շարադրանքում մի քանի անգամ հիշատակվում է, գրված է այլ ծրագրով և նպատակագրումով:

Ինչպես արդեն ասացինք, այս երկը էջմիածնի կաթողիկոսների վարք ու բարքի, կենցաղավարության, գործունեության և, ըստ այդմ, նաև հայ եկեղեցու կենտրոն էջմիածնի պատմությունն է, բայց հատուկ ծրագրով չի գրվել: Հեղինակը կյանքի վերջին շրջանում թղթին է հանձնել այն ամենը, ինչ հիշել է և արժանի համարել գրառելու և ինչ որ դրանցված չի եղել նրա ուսւերեն գրքույկում: Ի դեպ, 1800 թ. այս կողմ նա իր պատմած գեալքերի մեծ մասի կենտրոնում է:

«Յաղագս վարուցն» սկսվում է «Սգալի զարթուցիչ» խորագիր ունեցող պրակով, որն ըստ էության մի ողբ է՝ քաղաքական բախումների, օտար բըռնակալների հարստահարումների, դարասկղբին սկսված դավթիթ-դանիելյան պայքարի և էջմիածնի խեղճ ու ավեր վիճակի մասին: Ստորև մեջ ենք բերում աշխատության պրակներից մի քանիսի վերնագրերը. «Կանոն և կարգ կաթողիկոսի ընտրութեան, Յաղագս որպիսի ընտրութեան Ղաղար կաթողիկոսի, Վասն սպանման նատր շահի և թագաւորելոյ Շահունչի և Ատլշահի, Վասն մատնելոյ Ղաղարու զիշխանսն Երեանու Հայոց, Վասն աքսորելոյն զՂաղար և նստուցանելոյն զՔիւթիւր, Վասն կուրացուցանելոյ զԱտլշահ և թագաւորելոյ Իբրահիմայ և ելումն Ղաղարու ի Սեանայ, Վասն առաջին նուիրակի աշխարհն Հնդկաց, Վասն վախճանմանն Ղաղարու և կաթողիկոսութեան Մինասայ, Վասն որպիսութեան վարուց Յակոբայ կաթողիկոսի, Վասն ընտրութեան և օժման Սիմէօն կաթողիկոսի Երեանցույ, Վասն ընծայամատոյց գոլոյ Սիմէօն Հայրապետին կայսրուհույն և շահին, Վասն որպիսի բարեկարգելոյ նորա զկարգ ուսմանց աթոռայնոցն, Վասն աւերմանն Հերակլի զԵրեան և տառապանաց Սիմէօն Հայրապետի, Վասն վարուց Դուկասու կաթողիկոսի, Վասն որքանութեան աշակերտաց մերոց և զի՞նչ ուսմանց նոցին, Վասն աւերման թիֆլիզու և աւարմանն զարդուց Աթոռոյն, Վասն ծագման հակառակութեանց հակառակաթոռ կաթողիկոսացն Դանիէլի և Դաւթի և իսպառ նուաղելոյ և (ո՞ զիտէ) որպէս նշմարի և վերջանալոյ ևս կաթողիկոսութեան Հայոց և լքեալ խանդարելոյ Աթոռոյն էջմիածնի, Վասն զողանալոյ Դաւթի զգե-

դարդն աստուածամուխ ընդ այլ դարդուց, վասն ամենազորմածաբար շընորհելոյ զկրամատ Դանիէլ կաթողիկոսին, վասն գալստեանն Յիցիանովի և առարկայից Շարիֆ փաշայի, վասն յԱրցախ գնալոյ կաթողիկոսին և մերկանալոյ ի կաթողիկոսութենէն, վասն վերադառնալոյ Կարբեցւոյն ի վիճակացն Պօլսոյ և գերելոյն, վասն պատասխան գրելոյ շահզատային առ Ներսէսն²³ և այլն:

Խուրովի նորահայտ երկը գրված է Էջմիածնի և Հայաստանի կրած տառապանքները նկարագրելու միտումով, բայց նրա մեջ կան նաև Հայ-ուստական հարաբերությունների պատմությանը վերաբերող ուշագրավ հատվածներ: Այսպես, Հանգամանորեն պատմում է Միմեռն երեանցու՝ Եկատերինա թ կայսրուհուն ուղարկած կոնդակի և սրբոց մասունքները կայսրուհուն մատուցելու հանգամանքների մասին: Խուսաստանի կողմից Դանիէլի կաթողիկոսությունը հաստատելու իրողությունը պատմում է հետեւյալ բառերով. «Ճամենուստ կուսէ վիշտը և վտանգը և աղաղակը աղգի մերոյ բարձրացան. և յառաւել տոշորմանց սրտից բողոքողացն ևս ոպատկառանը բարձան, առ ի համարձակիլ լնուլ զաշխարհամուտ. սրահ ամենողորմ աթոռոյ մեծի և ինքնակալի կայսերն ամենայն Ռուսաց՝ օգոստոսափառագունի Ալէկսանդր Պալովիչին աղէրսարկու խնդրագրովը: Որ և նորին կայսերականի մեծութեան աստուածագոթ ողորմածութեամբ զթացեալ յողորմելութիւն անտիրացեալ, անայցելու, անտէր, անտէրունչ ազգին, զիշեալ յաղերսանս մերայնց, բազմաց, հետեւղութեամբ մերայնոց բազմաց, հետեւղութեամբ Եփրեմայ առաջնորդին Ռուսաստանու և մանաւանդ Մինաս Եղիազարեան ազգասէր իշխանին, յայց առնել բարեհաճեցաւ, շնորհելով զամենարարձր դրամատն Դանիէլ պատրիարքին, զոր ստանալ ի Բայազէտ, բախտաւորեցաւ²⁴:

Խուրովի աշխատության մեջ առանձին տեղ է հատկացված նաև 1803 թ. Յիցիանովի Հայաստան կատարած արշավանքի նկարագրությանը: Պատմելով Հայերի խանդավառության և ողևորության մասին, նա հատուկ ուշադրություն է հրավիրում ուստական զորքին ցույց տրված բազմակողմանի օգնության վրա: Իսկ մանրամասներ իմանալ ցանկացողին ցույց է տալիս իր ոռւսերին զրուցիկի համապատասխան մասը²⁵: Պատմում է, որ այդ դեպքերի ժամանակ Դավիթ կաթողիկոսը Էջմիածնի ունեցվածքի և զանձերի մեծ մասը բարձել էր 26 սալի և տեղափոխում էր Բայազեղ. ինքն իմանալով այդ մասին, Երևանի սարդարի միջոցով խափանել է տալիս Դավիթի մտադրության իրագործումը, ապա մեծ ուրախությամբ նկարագրում է զեներուլ Նեսվետանի զորքերի կողմից այդ նույն զույքի Թիֆլիս տանելը²⁶:

Ոգեսրությամբ է խոսում նաև Ալեքսանդր Ա-ին Եփրեմ կաթողիկոսի այցելության, կաթողիկոսության հաստատման հրովարտակը ստանալու, ստացած պարգևների և ընդունելության չերմության ու փառահեղության մասին²⁷: Այսուղ շատ արժեքավոր հաղորդումներ կան նաև Պետերությի Հայ-

²³ Մաշտոցի անվան Մատենադարան, ձեռ. № 2766, էջ 3ր, 4ր, 7ր, 8ա, 8ր, 9ր, 10ր, 15ր, 19ա, 20ր, 22ա, 32ր, 40ա, 48ա, 51ա, 54ա, 62ա, 86ր, 99ա, 114ր, 185ա, 188ա, 190ա:

²⁴ Նույն տեղում, էջ 99ա:

²⁵ Նույն տեղում, էջ 114ր:

²⁶ Նույն տեղում, էջ 133ր—136ր:

²⁷ Նույն տեղում, էջ 172ր—174ա:

կական շրջանակների կյանքի և առօրյայի մասին, պատմվում է, ի թիվս այլոց, նաև Մարգար Խոչենցի, Հովհակիմ Լազարյանի, Մանվել Կյումուշխանեցու մասին: Ուշագրավ է Եփրեմ կաթողիկոսի Պետերբուրգից Թիֆլիս կատարած ճամփորդության նկարագրությունը²⁸:

Խուրովի այս գործում կարևոր հաղորդումներ կան դարասկզբի Երևանի Հասարակական կյանքի, խաների բռնությունների, կաշառակերության և Հարստահարումների մասին: Այսպիս. մի գող մահմեդականի սպանվելու առիթով պարսիկ դատավորը հրապարակում է այսպիսի մի օրենք. մահմեդականի արյան գիմաց պետք է սպանել նրան սպանող քրիստոնյային՝ իր ողջ ընտանիքով, իսկ եթե ընտանիք. շունենա՝ նրա յոթ մերձավոր աղքականի: Իսկ եթե աղքականներ էլ շունենա, մեղավորը «հատուցէ 700 թուման արծաթ դրամ, 30 սպիտակ ուղար, որոց աշք և ծունկը միայն սեաւ լիցին և ոչ այլ ուրէք, 5 թասպահ մարգարիտ, 40 թասպահ մարզան, 20 խալվար ցորեան, 5 խալվար բրինձ, 50 լիտր իսղ և այլ զանազան գոյք, որոց երկարելն աւելորդ վարկանեմ: Զայսոսիկ հատուցեալ և հօթն ամ ևս ծառայեալ, ազատ լիցի ի մահապարտութենէն»²⁹:

Քննվող երկասիրության մեջ մինչև այժմ անհայտ բազմաթիվ կենսապրական տեղեկություններ կան նաև Հեղինակի մասին:

Այժմ անդրադառնանք Աստրախանից 1829 թ. հունիսի 14-ին Խուրովի Լազարյաններին գրած նամակի մի ուշագրավ հաղորդմանը. «Ապա, ի 1820 թուող մինչ ի Ղոլար կառավարեաք զուսումնարանն կայսերական, էհաս մեզ բարձրագոյն հրաման՝ ընդ ենարալի ուրումն գնալ շրջիլ յութուտասան վանօրայս Հայաստանեայց, և գտեալ բերել զհին ձեռագիր պատմութիւնս թագաւորաց Հայոց և այլոց. խոստացեալ շնորհել զտարեկան պարէնս գերդաստանի մերոյ վեց հազար ոուրիխ մեծամեծ պարզեօք, զոր ծախուցն քանակ ց70 հազար նկատէին և այլն: Եւ երկիցս ի հրաժարեալ կալնուլ խնդրելս մեր անկարելի դրեցաւ:

Ապա դրեկտորն ուսումնարանի ծանոյց դրաֆ Ռումեանցովին վասն գոյնոց Գաւազանագրոցդ և այլոց հնգետասան հատորոց մերոց նորոգ շարադրելոց, զոր և երիցս դրեալ խնդրեաց բերել առ ինքն, զի թարգմանեցուցեալ նորին Կայսերական մեծութեանն ընծայեսցէ և զայլսն տպագրեցուցեալ մեզ շնորհեսցէ»³⁰:

Մինչև այժմ Հայտնի էր, որ Ն. Պ. Ռումյանցեր, իր թանգարանի համար Հայերեն ձեռագրեր հավաքելու նպատակով, ներսես Աշտարակեցուն խընդրել էր իրեն ուղարկել Հայ պատմագիրների Երկերի ձեռագրերի ընդօրինակություններ³¹: Խուրովի միջոցով Հայոց վանքերից Հին գրչագրեր հավաքելու մտադրություն ունեցած լինելու մասին առաջին անդամ իմանում ենք այն նամակից: Բայց առաջել ուշագրավն այն է, որ, ըստ այս նամակի, «Գաւազանագրաբրից» և ուստեղեն գրքուկից (արդեն տպագրված էր), «Երգարանից»

28 Նույն տեղում, էջ 174ա—178ա:

29 Նույն տեղում, էջ 60ա:

30 Մաշտոցի անվան Մատենադարանի դիվան, Լազարյանների թողոն, թղթ. 104, գործ 7, վագ. 51 և 132:

31 ՏԵՇ Օ. Ս. Եզանյան, Մատենադարանի ձեռագրական հավաքածուները—Յուցակ ձեռագրաց Մաշտոցի անվան Մատենադարանի, Հատոր Ա., կաղմեցին՝ Օ. Եզանյան, Ա. Զելթունյան, Փ. Անթարյան, Խմբագրությամբ՝ Լ. Խաչիկյանի, Ա. Մնացականյանի, Երևան, 1965, էջ 22—23:

և «վասն վարուց և գործոց կաթողիկոսացն էջմիածնայ» երկասիրությունից բացի, Խուրովն ունեցել է ևս 13 աշխատություն, որոնց մասին նրան վերաբերող մասնագիտական դրականության մեջ տեղեկություն չկա:

Դրանցից հինգի անունները մեզ հայտնի են.

1. «Կանոնք կուսանաց նշան օրհնելոյ, օրհնութիւն աշակերտաց արուեստաւորաց, նորոգ հիմնարկութեանց տանց կամ խանութից և այլն»³²;

2. «Նախագուշութիւն վասն Շոազատկի»³³;

3. «Վկայութիւնք Աստուածաշնչական և աստուածաբանական վասն Յղութեան և Սննդեան Քրիստոսի»³⁴:

4. «Մեկնութիւն Պարզատումարի, յերկուս հատորս», 1814, ի Ղզլար³⁵;

5. «Բառարան Գէորգ Խուրով Խաղակեանց Երևանցւոյ, յերկուս հատորներ»³⁶:

Վերջին Երկուսը 1903 թ. վառվել են «Պետերբուրգում» Մկրտիչ Սանասարյանի ձեռագրական համարածուի մեջ, ուր կային նաև «Գտազանագրութիւն» և «Երգարանի» մեկական ձեռագիր օրինակներ³⁷.

Այս ամենը ցույց է տալիս, որ Երևանի, Թրիլիսի, Մոզդոկի, Ղզլարի, Աստրախանի, Մոսկվայի և Լենինգրադի արխիվներում կարելի է գտնել Գեորգ Խուրովին վերաբերող փաստաթղթեր և, ցուցե նաև, նրա մյուս դեռևս անհայտ գործերը: Դրանցից հետո միայն կարելի կլինի ամրողական բնության և նթարկել Գեորգ Խուրովի գրական ժառանգությունը:

Յ. ՎԱՐԴԱՆՅԱՆ

ВНОВЬ ОБНАРУЖЕННОЕ ПРОИЗВЕДЕНИЕ ГЕОРГА ХУБОВА (ХУБЯНЦ) КАК ПЕРВОИСТОЧНИК ПО ИСТОРИИ АРМЕНИИ И АРМЯНО-РУССКИХ ОТНОШЕНИЙ В XVIII—XIX вв.

(Резюме)

Георг Хубов (1764—1830), сын брата католикоса Симеона Ереванци (1763—1780), был видным общественно-политическим деятелем своего времени и одним из самых энергичных борцов за идею и дело освобождения Армении от турецко-персидского ига с помощью России. Борьба за восстановление независимости Армении была одним из

³² Մաշտոցի անվան Մատենագրան, ձեռ. № 9262. 1829 թ., Աստրախան, տե՛ս Ցուցակ ձեռագրաց Մաշտոցի անվան Մատենագրանի, Հատոր թ, կազմեցին Օ. Եղանյան, Ա. Զեյթոնյան, Փ. Անթարյան, Խմբագրությամբ՝ Լ. Խաչիկյանի, մ. Մնացականյանի, Երևան, 1970, էջ 898:

³³ Երուսաղեմի Ս. Հակոբյանց ձեռ. № 2097, 1823 թ., Ղզլար. տե՛ս Մայր ցուցակ ձեռագրաց Սրբոց Յակոբյանց, Հատոր Եօթներորդ, կազմեց՝ նորայր արքեպոս. Պողարիան, Երուսաղեմ, 1974, էջ 144:

³⁴ Երուսաղեմի Ս. Հակոբյանց ձեռ. № 2108. Նույն տեղում, էջ 153:

³⁵ Ցուցակ Հայերէն ձեռագրաց Մկրտչի Սանասարեան, կազմեց՝ Մեսրոպ Մագիստրոս Տէր-Մովսիսեան, Խմբագրեց և ցանկերը կազմեց՝ Յ. Հ. Վարդանյան, ձեռ. 113 և 114 (տպագրվում է):

³⁶ Նույն տեղում, ձեռ. № 117:

³⁷ Նույն տեղում, ձեռ. № 118 (1822 թ., Ղզլար) և 116:

основных направлений его научно-педагогической и общественной деятельности в Эчмиадзине, Ереване, Тифлисе, Моздоке, Санкт-Петербурге, Москве, Кизляре и Астрахани. До сих пор из литературного наследия Хубова были известны: изданная в русском переводе книга «Описание достопамятных произшествий в Армении... от патриаршества Симеонова (1778) до 1809 г.... С.-Петербург 1811», сборник «Песенник (для) поющих юношей и правоучение (для) неопытных влюбленных» и произведение «Хронография армянского народа». В начале данной статьи дается краткий обзор трудов филологов-арменоведов Г. Аганянца, Л. Меликет-Бека, А. Кюртяна, П. Акопяна, посвященных жизни и известным произведениям Г. Хубова.

В рукописи Матенадарана им. Маштоца № 2766 автором статьи выявлено новое историографическое сочинение Г. Хубова, которое в конце прошлого столетия было использовано в нескольких томах труда Г. Аганянца «Архив истории Армении»; впоследствии, однако, в силу каких-то обстоятельств оно не привлекло к себе внимания и было предано забвению. Следуя каталогу рукописей Матенадарана им. Маштоца, автор статьи озаглавил это новое сочинение: «О нравах и деяниях католикосов Эчмиадзинских (1737—1827)». Указаны несколько содержащихся в этом сочинении сведений, важных для изучения вопросов истории армяно-русских отношений в XVIII—XIX вв., Эчмиадзина и его католикосов, Еревана, армянских общин в России и других.

Благодаря одному письму Г. Хубова, хранящемуся в Матенадаране им. Маштоца, выясняется, что кроме известных ныне произведений у него было еще 13 работ. Отмечая названия и места хранения пяти из них, автор выражает в заключение надежду, что остальные произведения Хубова могут быть обнаружены в архивных учреждениях Еревана, Тбилиси, Моздока, Кизляра, Астрахани, Москвы и Ленинграда.

Y. VARDANIAN

L'OEUVRE NOUVELLEMENT DÉCOUVERTE DE GEORGES KHOUBOV (KHOUBIANTZ) COMME SOURCE DE L'HISTOIRE D'ARMÉNIE ET DES RELATIONS ARMÉNO-RUSSES DES XVIII^e ET XIX^e SIÈCLES

(Résumé)

Georges Khoubov (1764—1830), fils du frère du catholicos Siméon Erévantsi (1763—1780), a été l'un des hommes politiques éminents de son époque et l'un des plus énergiques lutteurs pour l'idée et la cause de la libération de l'Arménie du joug turco-persan avec l'aide de la Russie. La lutte pour la restauration de l'indépendance de l'Arménie a été l'une des directions principales de son activité scientifique, pédagogique et sociale à Etchmiadzine, Erévan, Tiflis, Mozdok, Saint-

Pétersbourg, Moscou, Kizlar et Astrakan. De l'héritage littéraire de Khoubov on connaissait jusqu'à présent: le livre „Descriptions des événements notables de l'Arménie... du patriarchat de Siméon (1778) jusqu'à 1809... Saint-Pétersbourg 1811“, le recueil „Chansonnier pour les enfants et morale pour les amoureux inexpérimentés“ et l'ouvrage intitulé „Chronographie du peuple arménien“. Au début de l'article l'auteur donne un bref résumé des ouvrages des philologues arménistes G. Aghaniantz, L. Mélikset-Bek, A. Kurtian et P. Hacopian consacrés à la vie et aux œuvres connues de G. Khoubov.

Dans le manuscrit № 2766 du Maténadaran Machtotz l'auteur de l'article a découvert un nouvel ouvrage historique de G. Khoubov que G. Aghaniantz a utilisé à la fin du siècle dernier dans plusieurs tomes de ses „Archives de l'histoire d'Arménie“; cependant, plus tard, par suite de certaines circonstances, cet ouvrage n'a plus attiré l'attention et a été oublié. Suivant le catalogue des manuscrits du Maténadaran Machtotz l'auteur de l'article a intitulé ce nouvel ouvrage: „Sur les moeurs et les faits des catholicos d'Etchmiadzine (1737—1827)“. Il cite certains renseignements contenus dans cette œuvre et présentant de l'importance pour l'étude des questions de l'histoire des relations arméno-russes des XVIII^e—XIX^e siècles, de l'histoire d'Etchmiadzine et de ses catholicos, d'Erévan, des communautés arméniennes de la Russie, etc.

D'une lettre de G. Khoubov conservée au Maténadaran Machtotz nous apprenons qu'outre les ouvrages connus à présent il en a eu encore 13 autres. Mentionnant le titre et le lieu de conservation de cinq d'entre eux, l'auteur exprime l'espoir que les œuvres de Khoubov puissent être découvertes dans les archives d'Erévan, de Tiflis, Mozdok, Kizlar, Astrakan, Moscou ou Léningrad.